

名相解釋

【大聖】（丁福保《佛學大辭典》）

（術語）佛之尊號。

法華方便品曰：「慧日大聖尊。」妙宗鈔上曰：「佛是極聖，故稱為大。」

法華弘傳序曰：「非大聖無由開化。」

【又】以名高位之菩薩。

無量壽經上曰：「一切大聖神通已達。」

淨影疏曰：「大有兩義：一位高名大，二德勝名大，會正為聖。」

【羽葆】（參考：漢典 www.zdic.net）

葆，義為「車蓋」。羽葆者，古時帝王儀仗中，以鳥羽連綴裝飾之華蓋，或可作「天子」的代稱。

【劫賓那】（佛學大辭典(丁福保)）

（人名）Kapphina，又作劫它那，劫譬那，劫比拏。譯曰房宿。憍薩羅國人。世尊之弟子。能知星宿。眾僧中第一。

光宅法華義疏一曰：「劫賓那者，亦是外國語，此間翻言坊宿。正言此人在僧坊中宿，如來知其根熟，仍化為老比丘，與同共宿，即於爾夜化令得道，故言坊宿也。又解言：此人是劫賓國人，從國受名，前解必然，後未必爾也。」

文句一上曰：「父母禱房星感子，故用房宿以名生身也。」

玄贊一曰：「劫賓那者，此云房宿。佛與開房宿，化作老比丘為之說法，因而得道，故云房宿，或云房星。房星現時生，故云房星。」

慧琳音義五十六曰：「劫它拏，它音匕，亦梵語阿羅漢名也。舊曰劫賓那，常修教誡，教授諸聲聞眾。」

華嚴不思議境界經曰：「摩訶劫譬那。」同注曰：「舊名劫賓那者。」

【端】（參考：《漢語大字典》）

量詞。古代布帛長度單位，但其制不一：有說「二丈」、「一丈六尺」、「五丈」、「六丈」、「八丈」等不同。

【至教】（丁福保《佛學大辭典》）

（雜語）至實之教，至極之教也。唯識述記一末曰：「言至教者，至實教也。」

【至教】（三藏法數(明·一如等撰)）

謂如來說經，為諸眾生指示罪福，令知作如是因，得如是果。未有作善得罪，作惡得福，其事明白，至為易曉，是為至教。